

**CENTRALNA BANKA  
BOSNE I HERCEGOVINE**

Broj: 150-15-4-1294- 3 /20 SAK

Sarajevo, 02.07.2020. godine

Na osnovu člana 70. stav (1) i (3) i člana 72. stav (3) alineja c) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

**O D L U K U**

**o izboru drugorangiranog ponuđača u postupku javne nabavke usluga čišćenja objekta  
Filijale Centralne banke Bosne i Hercegovine na Palama**

**Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluga čišćenja objekta Filijale Centralne banke Bosne i Hercegovine na Palama, dodjeljuje drugorangiranom ponuđaču EUROSAN d.o.o. Mostar, prema Ponudi broj: 29/06/20 od 10. juna 2020. godine i Izvještaju o toku i završetku e – aukcije.

**Član 2.**

Ponuda, ponuđača iz člana 1. ove odluke, nakon provedene e-aukcije, glasi na iznos od

3.238,00 KM bez PDV-a

(slovima: trihiljadedvjestotinetridesetosam konvertibilnih maraka i 00/100),

odnosno

3.788,46 KM sa uračunatim PDV-om

(slovima: trihiljadesedamstotinasedamdesetosam konvertibilnih maraka i 46/100 )

**Član 3.**

(1) Centralna banka će, po sticanju uslova za zaključenje ugovora na osnovu Zakona o javnim nabavkama, sa izabranim ponuđačem iz člana 1. ove odluke, zaključiti okvirni sporazum na period od šest mjeseci, za čije izvršenje se zadužuje Filijala Centralne banke Bosne i Hercegovine na Palama (u daljnjem tekstu: Filijala Pale).

(2) Ovom odlukom se stavlja van snage Odluka o izboru najpovoljnijeg ponuđača, broj: 150-15-4-1294-6/20 SAK od 24. juna 2020. godine.

**Član 4.**

Centralna banka će o rezultatima provedenog postupka javne nabavke obavijestiti ponuđače.

**Član 5.**

Za realizaciju ove odluke zadužuju se Filijala Pale, Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

—Član 6.

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke usluga čišćenja objekta Filijale Centralne banke Bosne i Hercegovine na Palama, putem otvorenog postupka, pokrenut je Odlukom, broj: 150-15-4-1294-2/20 SAK od 28. maja 2020. godine. U skladu s tim, Centralna banka je 29. maja 2020. godine na portalu Javnih nabavki objavila Obavještenje o nabavci broj: 1370-1-2-252/20.

Tenderskom dokumentacijom je određen krajnji rok za prijem ponuda, 15. juni 2020. godine. U predviđenom roku su dostavljene ponude sljedećih ponuđača: EUROSAN d.o.o. Mostar i ATALIAN GLOBAL SERVICES BH d.o.o. Sarajevo.

Komisija za provođenje postupka javne nabavke je izvršila pregled i ocjenu dostavljenih ponuda i zaključila da ponude ponuđača EUROSAN d.o.o. Mostar i ATALIAN GLOBAL SERVICES BH d.o.o. Sarajevo zadovoljavaju sve uslove tražene tenderskom dokumentacijom, te je zakazana e – aukcija za dan 19. juni 2020. godine sa početkom u 14:00 sati.

U skladu sa kriterijem najniže cijene i Izvještajem o toku i završetku e – aukcije, Komisija je, svojim Zapisnikom o pregledu i ocjeni ponuda broj: 149-15-4-1370-7/20 i Izvještajem o radu Komisije sa preporukom broj: 149-15-4-1370-8/20, oba od 22. juna 2020. godine, dala preporuku za donošenje odluke o izboru najpovoljnijeg ponuđača – ATALIAN GLOBAL SERVICES BH d.o.o. Sarajevo, sa cijenom ponude, nakon provedene e-aukcije, u iznosu od 3.230,00 KM, bez uračunatog PDV-a.

Centralna banka je u skladu sa preporukom komisije donijela Odluku o izboru najpovoljnijeg ponuđača, broj: 150-15-4-1294-6/20 SAK od 24. juna 2020. godine, kojom je ponuđaču ATALIAN GLOBAL SERVICES BH d.o.o. Sarajevo dodijeljen ugovor za pružanje usluga čišćenja objekta Filijale Centralne banke Bosne i Hercegovine na Palama.

Izabrani ponuđač, ATALIAN GLOBAL SERVICES BH d.o.o. Sarajevo, je pismeno (e-mail-om), dana 01. jula 2020. godine, dostavio obavještenje Centralnoj banci, iz koje se jasno može zaključiti da navedeni ponuđač odbija dodjelu ugovora.

U skladu sa odredbama člana 72. stav (3) alineja c) Zakona o javnim nabavkama («Službeni glasnik BiH», 39/14), odlučeno je kao u dispozitivu.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- Filijali Pale;
- Odjeljenju za računovodstvo i financije (original);
- Odjeljenju za javne nabave (original);
- u spis predmeta (original)

**GUVERNER**  
**dr. Senad Softić**



*Handwritten mark*

*Handwritten mark*

*Handwritten mark*